

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 15 MAC 2016, PUKUL 10.00 PAGI

Bil. 6

PERTANYAAN-PERTANYAAN BAGI JAWAB LISAN

1. PR-1341-L71911
Tuan Anuar bin Abd. Manap [Sekijang] minta **MENTERI SUMBER ASLI DAN ALAM SEKITAR** menyatakan strategi dan langkah-langkah yang diambil agensi seperti FRIM sebagai institusi penyelidikan perhutanan yang bertanggungjawab dalam proses pemeliharaan dan pemuliharaan pokok-pokok dalam hutan asli daripada ancaman kehilangan serta kepupusan.
2. PR-1341-L72304
Tuan Jeff Ooi Chuan Aun [Jelutong] minta **MENTERI KOMUNIKASI DAN MULTIMEDIA** menyatakan bagaimana rancangan penguntukan semula spektrum (*spectrum reassignment*) bagi jalur 900Mhz dan 1800Mhz telah dilaksanakan secara saksama. Apakah jumlah perolehan kewangan yang terhasil menerusi proses tersebut.
3. PR-1341-L71853
Tuan Khoo Soo Seang [Tebrau] minta **MENTERI KEWANGAN** menyatakan berapa bilangan peniaga yang telah diambil tindakan dan didakwa di mahkamah sehingga Januari 2016 di bawah Akta Cukai Barang dan Perkhidmatan (GST) 2014 sejak GST dilaksanakan.
4. PR-1341-L73364
Dato' Dr. Nik Mazlan bin Nik Mohamad [Pasir Puteh] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan tabung modal pusingan di bawah Suruhanjaya Koperasi peruntukan RM10 juta setiap koperasi yang layak. Apa prestasi "*disbursement*", bayaran balik dan sejauh mana tabung ini dimanfaatkan untuk pembangunan koperasi.
5. PR-1341-L72203
Dato' Ahmad Fauzi bin Zahari [Setiawangsa] minta **PERDANA MENTERI** menyatakan apakah tindakan yang dikenakan terhadap individu-individu yang mengurniakan pangkat darjah kebesaran secara haram yang semakin berleluasa sekarang ini.

6. PR-1341-L72615
Puan Kasthuriraani a/p Patto [Batu Kawan] minta **MENTERI SUMBER MANUSIA** menyatakan berapa ramai pekerja industri minyak dan gas yang telah diberhentikan dalam tempoh lima tahun ini serta tindakan dan pelan jangka panjang dan jangka pendek pihak Kerajaan untuk membantu mereka.
7. PR-1341-L72327
Datuk Noor Ehsanuddin bin Mohd Harun Narrashid [Kota Tinggi] minta **MENTERI DALAM NEGERI** menyatakan sejauh manakah program parol yang di perkenalkan oleh Jabatan Penjara dapat memberikan peluang kedua kepada banduan untuk meneruskan kehidupan melalui proses reintegrasi dalam komuniti.
8. PR-1341-L73278
Tuan Gooi Hsiao-Leung [Alor Setar] minta **MENTERI KESIHATAN** menyatakan bilakah tarikh terakhir pelan tindakan kawalan kanser nasional akan dikemaskinikan, dan apakah perkara-perkara keutamaan di dalam pelan tindakan asal yang sangat perlu dikemaskini dan ditambah baik.
9. PR-1341-L73514
Datuk Dr. Ewon Ebin [Ranau] minta **PERDANA MENTERI** menyatakan sama ada Kerajaan Persekutuan akan memperuntukkan sejumlah 'dana khas' untuk usahawan kaum minoriti negeri Sabah meningkatkan taraf hidup isi rumah B40 sepertimana yang diperuntukkan kepada kaum India dan Cina dalam Keutamaan Ke-Lima (Langkah Satu) Bajet 2016 untuk disesuaikan dengan tema "Mensejahtera Kehidupan Rakyat" Bajet 2016.
10. PR-1341-L72701
Tuan Teo Kok Seong [Rasah] minta **MENTERI PENDIDIKAN** menyatakan :-
 - (a) mengapa Kementerian tidak menyenaraikan peruntukan untuk setiap jenis aliran sekolah pada tahun 2016; dan
 - (b) jumlah peruntukan yang akan diberi kepada setiap sekolah pada tahun 2016 mengikut aliran.
11. PR-1341-L72424
Datuk Ikmal Hisham bin Abdul Aziz [Tanah Merah] minta **MENTERI KEWANGAN** menyatakan selain pemberian Bantuan Rakyat 1Malaysia (BR1M), apakah langkah-langkah lain yang sedang dalam pertimbangan atau perancangan Kerajaan bagi mengurangkan beban kos hidup rakyat.
12. PR-1341-L73583
Tuan Oscar Ling Chai Yew [Sibu] minta **MENTERI PENDIDIKAN** menyatakan pendirian Kerajaan Persekutuan terhadap tuntutan autonomi sepenuhnya dalam bidang pendidikan yang dicadangkan oleh Kerajaan Sarawak. Adakah Kerajaan Persekutuan berhasrat untuk meminda Perlembagaan Persekutuan Malaysia, supaya kuasa autonomi sepenuhnya diberikan kepada Kerajaan Negeri Sarawak.

13. PR-1341-L71674
Tuan Wilson Ugak Kumbong [Hulu Rajang] minta **MENTERI SUMBER MANUSIA** menyatakan :-
- (a) sejauh manakah keberkesanan Pusat Pengurusan Pekerja Malaysia, untuk membendung ejen tidak berdaftar membawa pekerja dari Sarawak ke luar negara; dan
 - (b) adakah Kementerian berhasrat meminda Undang-undang Buruh contohnya Ordinan Buruh Sarawak untuk memantapkan pengawalan rakyat Sarawak dibawa keluar bekerja di luar negara oleh ejen berdaftar dan tidak berdaftar.
14. PR-1341-L72107
Tuan Zairil Khir Johari [Bukit Bendera] minta **MENTERI KEWANGAN** menyatakan kontrak pembekalan duit syiling baru, termasuk nama syarikat yang dilantik dan kos kontrak.
15. PR-1341-L71836
Datuk Aaron Ago anak Dagang [Kanowit] minta **MENTERI KESIHATAN** menyatakan apakah keputusan muktamad yang telah diambil oleh pihak Kementerian dalam menyelesaikan isu berkaitan vape serta rokok elektronik.
16. PR-1341-L71833
Tuan M. Kulasegaran [Ipoh Barat] minta **MENTERI SUMBER MANUSIA** menyatakan :-
- (a) apakah dasar jangka panjang dan jangka pendek yang dilaksanakan oleh Kerajaan untuk memastikan bahawa pekerjaan yang mencukupi disediakan untuk semua rakyat Malaysia; dan
 - (b) apakah perkembangan terkini terhadap pampasan pemberhentian kerja (*retrenchment benefits*) dan skim untuk pekerja.
17. PR-1341-L72379
Datuk Juslie bin Ajirol [Libaran] minta **PERDANA MENTERI** menyatakan senarai projek yang telah dilaksanakan oleh Kerajaan bagi negeri Sabah antara tahun 2000 hingga 2015.
18. PR-1341-L71896
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah segera terhadap pindaan Akta 1955 dalam proses Perjanjian TPPA.

19. PR-1341-L72700
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PENDIDIKAN** menyatakan bagaimanakah Kementerian melihat isu lambakan jumlah pelajar yang melebihi kemudahan jumlah kelas yang sedia ada bagi memberi keselesaan sesi pengajaran dan pembelajaran seperti kadar nisbah pelajar 30:1 yang diputuskan oleh UNESCO. Berapakah jumlah Sekolah Berprestasi Tinggi (SBT) yang terkini dan apakah kriteria serta usaha yang dilakukan Kementerian dalam menaik taraf sekolah harian biasa yang lain menjadi Sekolah Berprestasi Tinggi (SBT).
20. PR-1341-L73084
Dato' Dr. Mujahid Yusof Rawa [Parit Buntar] minta **MENTERI KESIHATAN** menyatakan sejauh mana pengharaman penggunaan vape oleh negeri-negeri ditangani oleh Kementerian dan apakah tindakan yang telah diambil terhadap pihak-pihak yang engkar terhadap larangan tersebut.
21. PR-1341-L72044
Dato' Noraini binti Ahmad [Parit Sulong] minta **MENTERI KEMAJUAN LUAR BANDAR DAN WILAYAH** menyatakan kayu pengukur kejayaan Karnival Usahawan Desa (KUD) dan daripada jumlah syarikat yang telah mengambil bahagian, berapakah jumlah yang telah berjaya menembusi pasaran antarabangsa.
22. PR-1341-L73033
Tuan Loke Siew Fook [Seremban] minta **PERDANA MENTERI** menyatakan secara terperinci program-program yang dilaksanakan di bawah Butiran Pojek 00104 untuk Maksud Pembangunan di bawah Jabatan Perdana Menteri iaitu "Penyusunan Semula Masyarakat" dan bagaimanakah peruntukan RM750 juta untuk tujuan tersebut dibelanjakan.
23. PR-1341-L71799
Datuk Jumat bin Idris [Sepanggar] minta **MENTERI KEMAJUAN LUAR BANDAR DAN WILAYAH** menyatakan bilakah kementerian berhasrat untuk membekalkan air bersih kepada kawasan-kawasan di DUN Inanam yang begitu banyak lagi tidak mempunyai bekalan air paip di mana perancangan ini juga tidak ada dalam RMK 11.
24. PR-1341-L72042
Tuan Hee Loy Sian [Petaling Jaya Selatan] minta **MENTERI KERJA RAYA** menyatakan :-
- (a) usaha Kerajaan untuk mengurangkan bilangan plaza tol terutama di kawasan Lembah Kelang seperti yang dijanjikan dalam manifesto BN dalam Pilihan Raya Umum ke 13; dan
 - (b) langkah Kerajaan untuk mengurangkan kadar tol supaya tidak membebankan rakyat.

25. PR-1341-L72814
Datuk Dr. Makin @ Marcus Mojigoh [Putatan] minta **MENTERI KOMUNIKASI DAN MULTIMEDIA** menyatakan :-
- (a) matlamat capaian kelajuan internet negara, agar jurang kelajuan internet di luar bandar dan bandar dapat dikurangkan; dan
 - (b) usaha kementerian untuk memantau kualiti perkhidmatan internet yang disediakan oleh pembekal perkhidmatan yang dikatakan mahal tetapi terlalu perlahan oleh orang ramai.
26. PR-1341-L73382
Dr. Tan Seng Giaw [Kepong] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan langkah-langkah yang berkesan untuk mengawal harga barang dan perkhidmatan. Apakah dasar harga tunggal.
27. PR-1341-L73502
Tan Sri Datuk Seri Panglima Joseph Pairin Kitingan [Keningau] minta **MENTERI SUMBER MANUSIA** menyatakan penjelasan makna pekerjaan 3D yang disebut dalam kenyataan surat akhbar sebagai "*dirty difficult and dangerous*" dengan lebih terperinci yang boleh menunjukkan sektor-sektor bidang pekerjaan yang sebenar untuk membantu graduan-graduan yang masih menganggur.
28. PR-1341-L73173
Tuan Lim Guan Eng [Bagan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah kelulusan tanah yang ditambah untuk projek pembangunan oleh Majlis Perancangan Fizikal Negara (NPPC). Berikan pecahan mengikut negeri dan projek yang dijalankan secara terperinci termasuk kosnya.
29. PR-1341-L71771
Datuk Wee Jeck Seng [Tanjong Piai] minta **MENTERI KOMUNIKASI DAN MULTIMEDIA** menyatakan apakah langkah diambil bagi mengatasi capaian internet dan telefon yang lemah dan tidak stabil di kawasan penempatan penduduk luar bandar.
30. PR-1341-L71876
Dato' Johari bin Abdul [Sungai Petani] minta **PERDANA MENTERI** menyatakan :-
- (a) apakah rasionalnya SPAD mengarahkan semua operasi Bas Ekspres berpindah dari Hentian Bas Pudu Sentral ke Terminal Bersepadu Selatan-Bandar Tasik Selatan (TBS-BTS) setelah berjuta ringgit digunakan bagi menaiktaraf Kompleks Pudu Sentral; dan
 - (b) apakah alternatif kegunaan Kompleks Pudu Sentral yang kini dilihat begitu lengang dan suram.

31. PR-1341-L72478
Puan Hajah Normala binti Abdul Samad [Pasir Gudang] minta **MENTERI SUMBER MANUSIA** menyatakan adakah pemantauan dilakukan oleh pihak Kementerian bagi memastikan setiap syarikat berdaftar mempunyai pegawai keselamatan (*safety officer*) bagi mengawasi pelaksanaan agenda keselamatan di setiap peringkat organisasi selaras dengan Perintah Keselamatan dan Kesihatan Pekerjaan 1997.
32. PR-1341-L73128
Dato' Abdul Manan bin Ismail [Paya Besar] minta **MENTERI DALAM NEGERI** menyatakan jumlah kes penipuan dan jumlah kerugian membabitkan kes penipuan pembelian di internet bagi tahun 2012, 2013, 2014, 2015 dan tiga bulan pertama tahun 2016 di seluruh negara.
33. PR-1341-L72147
Tuan Idris bin Haji Ahmad [Bukit Gantang] minta **MENTERI DALAM NEGERI** menyatakan berapakah bilangan kad pengenalan yang hilang sejak tahun 2000 hingga 2015 mengikut kategori bangsa dan jantina dan berapakah nilai pungutan denda yang dipungut oleh Kerajaan.
34. PR-1341-L71623
Dato' Haji Mohd Zaim bin Abu Hasan [Parit] minta **MENTERI PERTAHANAN** menyatakan sudah berapa buah kapal TLDM yang terlibat dalam kejadian kebakaran terutama yang berlaku di pelabuhan Lumut, berapa kos kerugian yang dialami dan siapa yang dipertanggungjawabkan untuk membayar balik kerugian tersebut.
35. PR-1341-L72686
Tuan Gobind Singh Deo [Puchong] minta **MENTERI DALAM NEGERI** menyatakan bilangan anggota polis yang ditahan untuk disiasat berkenaan kesalahan jenayah sejak 2010, bilangan anggota polis yang dituduh sejak 2010, bilangan anggota polis yang disabitkan sejak 2010, dan langkah-langkah yang diambil oleh PDRM untuk mengurangkan penglibatan anggota polis dalam kesalahan jenayah dan untuk memperbaiki keyakinan orang ramai dalam PDRM.
36. PR-1341-L72025
Puan Hajah Fuziah binti Salleh [Kuantan] minta **PERDANA MENTERI** menyatakan sama ada sekiranya sesuatu "kawasan keselamatan"• telah diisytiharkan oleh Majlis Keselamatan Negara, adakah pilihan raya masih boleh dijalankan di kawasan tersebut.
37. PR-1341-L72594
Tuan Chua Tian Chang @ Tian Chua [Batu] minta **MENTERI DALAM NEGERI** menyatakan adakah pihak polis telah mengenal pasti dan menahan kawan-kawan Sirul yang menolong untuk membuat video pengakuannya. Apakah langkah-langkah yang sedang diambil pihak Kementerian untuk menyasat mereka.

38. PR-1341-L72228
Tuan Haji Nasrudin bin Hassan [Temerloh] minta **MENTERI PERTANIAN DAN INDUSTRI ASAS TANI** menyatakan impak ancaman perubahan iklim terhadap sektor pertanian di Malaysia.
39. PR-1341-L72276
Dr. Haji Izani bin Haji Husin [Pengkalan Chepa] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) apakah tindakan Kerajaan jika perjanjian Perkongsian Trans Pasifik (TPPA) bercanggah dengan hak istimewa orang Melayu dan enakmen negeri-negeri; dan
 - (b) apakah perancangan Kerajaan dan bentuk-bentuk bantuan bagi memajukan syarikat-syarikat bumiputera dan industri kecil supaya mampu bersaing di peringkat antarabangsa terutamanya syarikat daripada negara-negara perjanjian TPP dan apakah usaha Kerajaan bagi mengukuhkan lagi perdagangan dengan negara-negara di bawah perjanjian sedia ada seperti FTA dan sebagainya.
40. PR-1341-L72706
Tuan Sim Tong Him [Kota Melaka] minta **MENTERI DALAM NEGERI** menyatakan tentang kedudukan Pekerja Asing di bawah program 6P:-
- (a) adakah Kementerian bercadang untuk melanjutkan permit bekerja mereka, dan jika ia berapa tahun tambahan dibenarkan; dan
 - (b) nyatakan jumlah levy mereka perlu bayar.
41. PR-1341-L73471
Dr. Mohd Hatta bin Md. Ramli [Kuala Krai] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) adakah TPPA akan menjadikan Malaysia tidak lagi mampu mengawal pembelian rumah oleh warga asing; dan
 - (b) adakah had harga rumah RM1 juta ke atas untuk bukan warganegara akan dimansuhkan.
42. PR-1341-L73247
Tuan Nik Mohamad Abduh bin Nik Abdul Aziz [Pasir Mas] minta **MENTERI PERTAHANAN** menyatakan jumlah wang yang dilaburkan untuk Program Latihan Khidmat Negara mengikut tahun sejak ia diperkenalkan pada tahun 2004.
43. PR-1341-L72825
Puan Teo Nie Ching [Kulai] minta **MENTERI BELIA DAN SUKAN** menyatakan sama ada tindakan akan diambil terhadap PESAKA atas penglibatan mereka dalam Perhimpunan Rakyat Bersatu.

44. PR-1341-L72077
Tan Sri Dato' Seri Abd Khalid bin Ibrahim [Bandar Tun Razak] minta **PERDANA MENTERI** menyatakan bilangan laporan siasatan kes yang diserahkan oleh Bank Negara Malaysia, Suruhanjaya Pencegahan Rasuah Malaysia (SPRM) dan Polis DiRaja Malaysia (PDRM) kepada Jabatan Peguam Negara untuk maksud pertuduhan antara 2013-2015 serta perincian mengenai kes yang ditutup tanpa pertuduhan.
45. PR-1341-L71975
Puan Teresa Kok Suh Sim [Seputeh] minta **MENTERI KEWANGAN** menyatakan hutang Kerajaan-kerajaan Negeri terhadap Kerajaan Persekutuan yang masih belum dibayar oleh Kerajaan Negeri setakat Disember 2015.
46. PR-1341-L72560
Puan Alice Lau Kiong Yieng [Lanang] minta **MENTERI KEWANGAN** menyatakan :-
- (a) jumlah hasil bersih dan apakah perbezaan pendapatan negara berbanding dengan sistem cukai SST serta daripada kutipan tersebut berapa banyakkah hasil kutipan yang diterima daripada negeri Sarawak; dan
 - (b) sama ada peratusan GST akan dinaikkan lagi iaitu lebih daripada 6% memandangkan GST dikatakan adalah penyelamat ekonomi negara.
47. PR-1341-L72786
Tuan R. Sivarasa [Subang] minta **MENTERI SUMBER MANUSIA** menyatakan bagaimanakah keperluan pekerja-pekerja asing bagi sektor-sektor tertentu ditetapkan dan apakah jenis kontrak pekerjaan yang ditandatangani oleh pekerja dan majikan.
48. PR-1341-L72093
Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan apakah perancangan jangka masa pendek dan sederhana Kerajaan untuk Petronas memandangkan kejatuhan hampir 50,000 peluang pekerjaan pekerja-pekerja di bawah Petronas.
49. PR-1341-L72125
Tuan Su Keong Siong [Ipoh Timor] minta **MENTERI DALAM NEGERI** menyatakan jumlah permohonan kewarganegaraan yang telah diberikan kelulusan dan jumlah warga Malaysia yang telah menyerahkan kewarganegaraan dari tahun 2008 hingga 2015. Berikan jumlah pecahan mengikut tahun dan kaum masing-masing.
50. PR-1341-L73331
Tuan Wong Chen [Kelana Jaya] minta **PERDANA MENTERI** menyatakan senarai kesemua lawatan rasminya ke luar negara pada tahun 2015. Berapakah jumlah perbelanjaan yang telah ditanggung sepanjang lawatan-lawatan ini

51. PR-1341-L73574
Tuan Er Teck Hwa [Bakri] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan lokasi pasar awam dan pasar tani yang baru disediakan, akan disediakan dan tidak mempunyai penyewa yang melebihi 50% mengikut tahun 2011 hingga 2016.
52. PR-1341-L71664
Dato' Wira Othman bin Abdul [Pendang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah sebab-sebab kenaikan harga barang sedangkan cukai dan minyak lebih rendah sekarang.
53. PR-1341-L72866
Tuan Sim Tze Tzin [Bayan Baru] minta **PERDANA MENTERI** menyatakan siapakah 17 penerima RM23,520,610 dan 16 penerima RM10,875,515 yang diasas oleh Peguam Negara dalam siasatan *SRC Money Trail via Putra Perdana Construction* dan *SRC Money Trail via GMSB*. Adakah duit itu juga satu sumbangan (*donation*) politik.
54. PR-1341-L71782
Datuk Haji Datu Nasrun bin Datu Mansur [Silam] minta **MENTERI DALAM NEGERI** menyatakan apakah langkah yang akan diambil oleh Kerajaan dalam memastikan Pendatang Tanpa izin (PATI) terutama yang berada di Sabah akan diberikan permit kerja secara sah, apakah kriteria yang akan dipertimbangkan oleh Kerajaan dalam memastikan golongan yang diberikan permit ini akan dapat memenuhi permintaan pekerjaan terutama dalam industri perladangan.
55. PR-1341-L71981
Tuan Ng Wei Aik [Tanjong] minta **PERDANA MENTERI** menyatakan sama ada rayuan akan dikemukakan oleh Pendakwa Raya terhadap keputusan kes jenayah 83-1250-09/2015 yang melibatkan Pendakwa Raya lawan Tan Eng Hock atas sebab si mangsa iaitu Tung Ee Lun tidak berpuas hati dengan keputusan mahkamah terhadap kes tersebut (No. Repot Polis: JELUTONG/006198/15).
56. PR-1341-L72797
Dato' Seri Dr. Wan Azizah binti Wan Ismail [Permatang Pauh] minta **MENTERI SUMBER MANUSIA** menyatakan kadar levi terkini pekerja-pekerja asing mengikut sektor pekerjaan negara dan buitran MoU antara Malaysia dan Bangladesh berkaitan pengambilan 1.5 juta pekerja dari Bangladesh ke Malaysia.
57. PR-1341-L73193
Dato' Seri Abdul Hadi bin Awang [Marang] minta **MENTERI KOMUNIKASI DAN MULTIMEDIA** menyatakan apakah langkah Kerajaan untuk memastikan hak kebebasan media diberikan secara adil kepada blok pembangkang khususnya demi mengangkat nilai dan hak demokrasi di Malaysia.

58. PR-1341-L72519
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan jumlah rasmi terkini warganegara Malaysia berbangsa India dan sama ada jumlah pekerja berbangsa Bangladesh sekarang termasuk jumlah 1.5 juta pekerja tersebut yang dicadangkan dibawa masuk ke Malaysia akan melebihi jumlah rasmi warganegara Malaysia berbangsa India tersebut.
59. PR-1341-L73556
Tuan Charles Anthony Santiago [Klang] minta **MENTERI DALAM NEGERI** menyatakan kesudian Kerajaan untuk “declassify” dokumen dan perjanjian antara Kerajaan Malaysia, Bangladesh dan Syarikat Synerflux Sdn Bhd untuk menguruskan kemasukan 1.5 juta pekerja dari Bangladesh.
60. PR-1341-L73080
Datuk Seri Noh bin Haji Omar [Tanjong Karang] minta **MENTERI PENDIDIKAN** menyatakan adakah pihak Kementerian mempunyai perancangan untuk memeriksa sistem pendawaian di sekolah khususnya bangunan lama bagi mengelak berlaku kebakaran akibat litar pintas. Sekiranya ada, bilakah ia akan dilaksanakan.
61. PR-1341-L73497
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah dasar terkini Malaysia terhadap tuntutan wilayah oleh Negara China yang bertindih dengan tuntutan kita dan negara-negara Asia Tenggara yang lain.
62. PR-1341-L72558
Tuan Manivanan a/l Gowindasamy [Kapar] minta **MENTERI DALAM NEGERI** menyatakan :-
- (a) statistik yang terperinci mengenai kes bunuh diri yang berlaku dalam negara untuk tahun 2010, 2011, 2012, 2013, 2014 dan 2015 mengikut kategori umur, jantina dan kaum; dan
 - (b) apakah usaha-usaha dan langkah-langkah secara terperinci yang diambil bagi mencegah kejadian bunuh diri, memandangkan berlakunya kejadian bunuh diri secara purata satu hingga dua kes setiap hari di negara ini.
63. PR-1341-L73049
Dato' Shamsul Anuar bin Haji Nasarah [Lenggong] minta **MENTERI PENDIDIKAN TINGGI** menyatakan :-
- (a) tahap kebolehan pasaran graduan masa kini dan mekanisme dalam meningkatkan kemahiran insaniah mahasiswa atau mahasiswi tersebut; dan
 - (b) adakah Kementerian bercadang untuk menawarkan kursus yang mempunyai permintaan tinggi di pasaran supaya mengelakkan berlakunya lambakan graduan yang menganggur.

64. PR-1341-L72378
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan siapakah “investment bank”• yang menguruskan baki pelaburan 1MDB di Cayman Islands sebanyak US\$940 juta berbentuk “unit”• sekarang. Adakah pelaburan ini dijamin oleh Syarikat British Virgin Islands, “Aabar Investment PJS Limited”, atau syarikat Abu Dhabi, “Aabar Investment PJS”.
65. PR-1341-L72386
Dato' Mohd Ariff Sabri bin Abdul Aziz [Raub] minta **MENTERI DALAM NEGERI** menyatakan :-
- (a) apakah langkah-langkah yang diambil oleh Kerajaan untuk memantau kemasukan pekerja-pekerja Bangladesh ini. Contohnya adakah mereka dipasangkan dengan alat pengesan elektronik atau mereka diberi kad pengenalan khas; dan
 - (b) adakah pihak Kerajaan bercadang mewujudkan perumahan dan penempatan khas untuk pekerja Bangladesh.
66. PR-1341-L72650
Dato' Ngeh Koo Ham [Beruas] minta **MENTERI PERDAGANGAN ANTARABANGSA DAN INDUSTRI** menyatakan kenapa harga pasaran beras (jenis 5% beras pecah) di Thailand hanya lebih kurang RM1.50 sekilo tetapi harga runcit beras jenis yang sama yang dijual di Malaysia adalah lebih kurang RM2.60 sekilo. Kenapa Kementerian tidak membatalkan hak monopoli Padiberas Nasional Berhad (BERNAS) untuk mengimpor beras ke Malaysia.
67. PR-1341-L73615
Tuan Haji Ahmad Lai bin Bujang [Sibuti] minta **MENTERI KESIHATAN** menyatakan berapakah jumlah pemohon derma organ dan berapa lamakah tempoh menunggu bagi mendapatkan organ penderma tersebut.
68. PR-1341-L71748
Dr. Azman bin Ismail [Kuala Kedah] minta **PERDANA MENTERI** menyatakan semua bentuk kerjasama yang telah diberikan oleh Kerajaan Malaysia kepada semua negara-negara asing yang telah memohon bantuan terhadap siasatan 1MDB, khususnya Switzerland.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Tuan Haji Ahmad Lai bin Bujang [Sibuti] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

Menyambung semula Perbahasan atas masalah (14 Mac, 2016)

- | | | | |
|----|----------------|--|-------------------------------|
| 2. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
| | | [Menteri Sumber Manusia] | |
| 3. | (D.R. 30/2015) | Rang Undang-undang Syarikat 2015 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 4. | (D.R. 29/2015) | Rang Undang-undang Skim Kepentingan 2015. | “ |
| | | [Menteri Perdagangan Dalam Negeri, Koperasi dan Kepenggunaan] | |
| 5. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “ |
| | | [Menteri Dalam Negeri] | |
| 6. | (D.R. 37/2015) | Rang Undang-undang Profesion Undang-undang (Pindaan) 2015 | “ |
| | | [Menteri di Jabatan Perdana Menteri] | |

7. (D.R. 39/2015) Rang Undang-undang Kanak-Kanak “
(Pindaan) 2015

**[Menteri Pembangunan Wanita,
Keluarga dan Masyarakat]**
8. (D.R.9/2015) Rang Undang-undang Kanun Tatacara “
Jenayah (Pindaan) 2015

[Menteri di Jabatan Perdana Menteri]
9. (D.R.12/2015) Rang Undang-undang Keterangan “
(Pindaan) 2015

[Menteri di Jabatan Perdana Menteri]
10. (D.R.35/2015) Rang Undang-undang Persaingan “
(Pindaan) 2015

**[Menteri Perdagangan Dalam Negeri,
Koperasi dan Kepenggunaan]**

11. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur terutama sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebih dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

12. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

[Menteri Kerja Raya]

13. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

14. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahawa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

15. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

16. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

17. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

18. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

19. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

20. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

21. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

22. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak espek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

23. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

24. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

25. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

26. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

27. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

28. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]